



Broj: 04-04-53807-7/23
Sarajevo, 13.02.2024. godine

SKUPŠTINA KANTONA SARAJEVO
SLUŽBA ZA SKUPŠTINSKE POSLOVE
- O V D J E -

PREDMET: Odgovor na zastupničku inicijativu Marijela Hašimbegović, dostavlja se -
VEZA: Akt Skupštine Kantona Sarajevo broj: 01-04-53807-7/23 od 29.12.2023. godine

Zastupnica Marijela Hašimbegović je na 13. Radnoj sjednici Skupštine Kantona Sarajevo održanoj dana 29.12.2023. godine u okviru tačke Dnevnog reda "Poslanička/zastupnička pitanja, inicijative i odgovori" uputila zastupničku inicijativu:

Upućujem inicijativu da mi se dostavi informacija o svim aktuelnim kreditnim zaduženjima sa potrošačke jedinice Ministarstva saobraćaja na način da se prezentira kreditno zaduženje u njegovom iznosu, u koje svrhe je izvršeno kreditno zaduženje, kada je izvršeno kreditno zaduženje, rok otplate, grace period i kolika je kamatna stopa.

Obrazloženje: Prijedlog Budžeta 2024. godine prezentira preuzete obaveze kreditnih zaduženja za potrošačku jedinicu Ministarstvo saobraćaja u njihovom iznosu i naziv projekta bez dodatnih pojašnjenja kada su preuzete obaveze, rok otplate, grace period i kamatna stopa. Informacija je neophodna radi transparentnosti izvora finansiranja putem kreditnih zaduženja. Iznos koji je prezentira u budžetu do sada iznosi 176,2 miliona EUR.

Shodno navedenom, Ministarstvo saobraćaja Kantona Sarajevo, daje sljedeći:

- o d g o v o r -

U cilju rješavanja jednog od ključnih izazova u razvoju infrastrukture javnog prevoza u Sarajevu, pristupa čišćem gradskom prijevozu, zatim poboljšanju tačnosti, kapaciteta i učinkovitosti usluga javnog prijevoza, kao i rješavanje prioritarnih pitanja zaštite okoliša Ministarstvo saobraćaja Kantona Sarajevo je pristupilo pripremi i realizaciji nekoliko ključnih kapitalnih projekata.

Finansiranje se vrši iz vlastitog učešća i ino kredita kod Evropske banke za obnovu i razvoj EBRD, Europske investicijske banke EIB i Svjetske banke WB. Naglašavamo da se plaćanje radova i usluga za kapitalne projekte vrši u skladu sa potpisanim ugovorima na nivou države Bosne i Hercegovine i bankarske institucije, zatim supsidijarnim ugovorom između Bosne i Hercegovine i Federacije Bosne i Hercegovine i podugovorom između Federacije Bosne i Hercegovine i Kantona Sarajevo.

U sklopu dokumenta Budžet Kantona Sarajevo za 2024. godinu ("Službene novine Kantona Sarajevo" broj: 55/23) na stranici od 155. tabelarno su navedeni kapitalni projekti koji su finansirani iz ino

kreditnih sredstva, sa podacima o nazivu projekta, načinu i izvoru finansiranja, vrijednosti projekta, isplati i planu potrošnje za 2024. godinu.

Također, sve odluke o prihvatanju zaduženja po ugovorima o zajmu su pripremljeni od strane Ministarstva finansija Kantona Sarajevo i ujedno su javno razmatrani na sjednicama Skupštine Kantona Sarajevo. Sastavni dio navedenih odluka o zaduženju jesu podaci koji se odnose na:

- iznos zajma;
- rok otplate;
- grace period;
- kamatna stopa;
- dospijeeće
- i iznos provizije.

Nakon usvajanja odluka o zaduživanjima, iste su objavljene u Službenim novinama Kantona Sarajevo.

Također, ino zaduživanje je prošlo proceduru usvajanja sa svih nivoa vlasti Bosne i Hercegovine tj. državni nivo, federalni nivo i kantonalni nivo.

Obzirom da je Ministarstvo finansija Kantona Sarajevo pripremalo odluke o zaduženjima, u korespondenciji sa njima, bit će Vam dostavljeni podaci o ino kreditima.

S poštovanjem,

Prilog: Kao u tekstu;



Dostaviti:

1. Naslovu,
2. Stručna služba Vlade Kantona Sarajevo - na znanje,
3. Evidencija,
4. Arhiva.